



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

Gavanti, Bartolommeo

Antverpiæ, 1646

De Semiduplici. III.

urn:nbn:de:hbz:466:1-40233

22 Comment. in Rubr. Breuiarij. Sect. III. Cap. III.

Off. num. 2.) quia in eo tantum differunt, quod Canonizati vbique coli possunt, non autem Beatificati.

9 De Priviliegij Festorum Duplum respectu aliorum, & inter se, dicemus, cum de Concurrentia & Ocurrentia Officij, de Matutino, Precibus, & Suffragijs.

10 De Sancto, cuius insignis habetur Reliquia, si concedatur Officium, fit Duplex minus per annum, sacra Rituum Congregatio 23. Novemb. 1602. vt supra diximus *Sect. I. cap. 5. tit. 2. num. 8.*

De Semiduplici. CAP. III.

Hæc vox *Semiduplex* apud *Durandum lib. 7. cap. 1.* habetur. Dicebatur antea nouem Lectionum, apud *Radulph. Propos. 17.* Alij vocauerunt solemne, ut in Breuiar. *Venetij edito an. 1550.* Alij, non Duplex, ut legi in antiquioribus Breuiarijs. Idem sonant, eò quod in Officio nouem Lectiones leguntur, ut à Simplici distinguitur; non duplicantur Antiphonæ, ut differat à Duplicitate.

2 Semiduplici ritu gaudent Dominicæ per annum, & ea Sanctorum Festa quibus in Calendario apposita est vox *Semiduplex*, numero hodie ultra 40, item dies infra Octauas, quæ iure merito minores sunt die Festo, & die Octaua; sunt autem & hi numero ultra quadraginta: quare Semiduplicia cum Dominicis excedunt numerum 130.

3 De Sancto, cuius Reliquia non insignis habetur, si concedatur Officium, debet esse Semiduplex, ad differentiam insignis Reliquiæ.

4 De Sanctis locorum consuevit

sancta Sedes Apostolica in ijs locis, vbi neque nati neque mortui sunt, neque Reliquiæ insignes extant, concedere Officium Semiduplex, ne Dominicæ Officium, quod est Domini, impediatur ab Officio Semiduplici, quod notat expreßè Clemens VIII. 19. Junij 1601. quando concedit uniuersæ Congregationi Eremitarum sancti Augustini Officium Semiduplex de B. Ioanne à S. Facundo Hispano; cuius Bullæ tenorem refert *Castellanus in Compendio Bullarum in tercia editione Venetijs 1605.* Inuentiones, Translationes hac eadem lege colenda forent, ad differeatiam Festorum principalium. quod obseruat Ecclesia in Inventione S. Stephani Protomartyris, in qua hæc scribimus.

5 De Sancto, cuius habetur Ecclesia Abbatialis, Parochialis, vel Regulare, vel Monialium, hoc solo titulo, fiebat ante annos tres Semiduplex in multis locis; at nescio quo iure: nam Officium feriale ferè totum omittebatur cum Officio beatæ Virginis in Choro, & Defunditorum, &c, quod magis dolebam, Feriarum Quadragesimalium, à quibus antiqui remouebant Festa Sanctorum, & à quibus in recognitione Breuiarij Octauæ sunt exclusæ; contra quos acerrimè inuehit *Radulphus Propos. 17.* ea potissimum ratione, quod tollitur continuatio & recitatio totius Psalterij; & feriale Officium, inquit, Domini Officium est, quod à quocumque seruo non debet obrui. Videant Episcopi, ne pluralitate Festorum fiat iniuria Officio feriali Domini Dei nostri. Sed ecce, Deo dante, sublatuſ est abusus à sacra Rituum Congregatione Decreto edito die quo supra *Sect. I. cap. 5. tit. 2. num. 9.* in hæc verba: *Velut & prohibe-*

prohibuit celebrari per totam ciuitatem, vel diocesim, etiam de cuiusque Ordinarij licetia, Missam, vel Festum cum Officio de Sancto, eò quod in loco adsit Ecclesia Parochialis, vel Regularis, aut aliqua Reliquia; sed tantum in ipsis Sancti Ecclesia Titulari, seu ubi assertur insignis Reliquia, & non aliis. Quæ verò sit insignis Reliquia, eadem sacra Congregatio declaravit statim, & nos descripsimus in primo Tomo par. 1. titulo i. circa finem. addit pœnam eadem sacra Congregatio ibidem, nimirum, quodd aliter non fit satis muneri recitandi diuini Officij; & consequenter infligitur pœna non faciendi à Clero fructus sios beneficiorum, præter lethale peccatum quod committitur. Eadem sacra Congregatio declaravit, comprehendi in dicto Decreto Ecclesiæ Abbatiales, die 28. Septembris 1628.

6 De priuilegijs Festi, seu Officij Semiduplicis, agemus infra in pluribus locis.

De Simplici. C A P. IV.

DVRANDUS loco citato usurpat hanc vocem Simplex. Antea vocabant Officiū trium lectionum, *Microl. cap. 44.* & *Radulph. Propos. 17.*

2 Festa verò Simplicia, quibus in Calendario nihil apponitur, superant hodie centenarium numerum. de quibus agemus singillatim in Proprio Sanctorum.

3 Qui numerus centenarius quam recte congruat, accipe ex sancto Bernardo, & Radulpho. Numerositas Festiuitatum, inquit *Bernardus ad Canon. Lugdun.* ciues decet, non exiles. *Radulphus autem Propos. cit. addit.* sumendam esse nimirum proportionem

à Christo, qui duodecim elegit Apostolos, quos posuit in superiori gradu; in inferiori verò posuit septuaginta duos Discipulos, hoc est, sexies duodecim. Vnus est Christus, cui datur Officium Dominicæ; Apostoli duodecim sunt: ergo & Festa Sanctorum solemnia in minori numero esse debent quam numerus Dominicarum. Simplicia plura esse debent (cum quibus stat recitatio Psalterij) sicuti à Christo multiplicantur Discipuli. Duplicia Sanctorum (non loquor de Duplicibus Christi Festis) in Calendario Romano sunt numero sexaginta quatuor; Sanctorum Semiduplicia ad quadraginta: conuenit ergo, ut Simplicia excedant, vti fit, numerum centesimum.

4 Incipit à Vesperis quidem, sed ferialibus, & terminatur Officium Simplex ad Nonam, *Microl. cap. 44.* & *Radulph. Propos. 18.*

De Dominica. C A P. V.

DE Officio Dominicæ *Microl. cap. 62.* hæc habet memoranda. In omni Dominicæ Ecclesiastico conuentui cum Officio Dominicæ satisfacimus, nisi aliqua multum celebris (*nota*) festiuitas occurrat. Addo ego, ratione Dominicæ quædam Officia festiuiora fieri, vt videre est in Feste Innocentum, & in Vigilia Nativitatis Domini, quibus datur *alleluia, Te Deum,* respectuè cum consequentibus.

2 De Dominicis Aduentus, & à Septuagesima usque ad Octauam Paschæ, quæ sunt maioris reuerentiae & cultus, testatur *Radulph. Propos. 15.* eas numquam omitti. quod & hodie obseruamus.

3 Dominicæ infra Octauas Nativitatis,